



INTERNATIONAL EDUCATION WEEK

Povodom obilježavanja Sedmice međunarodnog obrazovanja / International Education Week (od 14. do 18. novembra), zamjenik ambasadora SAD u BiH, Jonathan Moore održao je predavanje i diskusiju, gdje se govorilo o važnosti međunarodnog obrazovanja, kao i o programima stipendiranja te savjetovanju studenata.

Prema riječima Lejle Hogić, voditeljke Američkog kutka u Brčkom, za razgovor su ciljano izabrani studenti Ekonomskog fakulteta u Brčkom, kao i srednjoškolci koji su za razmjenu pokazali veliko interesovanje i koji su već učesnici ovih programa Američke ambasade.



Predavanje je održano u četvrtak, 17. novembra, 2011. godine u Američkom kutku Brčko (Biblioteka – Knjižnica Brčko distrikta BiH). Gospodin Moore istakao je da Amerika obezbjeđuje stipendije za 356 studente iz BiH, te da stipendira nekoliko stotina hiljada studenata iz svih zemalja svijeta. Moore je sa mladima iz distrikta Brčko razgovarao o mogućnostima razmjene

studenata, učenika i stručnih razmjena profesora između BiH i SAD, te o ulozi Američke ambasade i diplomata u BiH. Studenti i gospodin Moore su takođe razgovarali i o trenutnoj političkoj situaciji u Bosni i Hercegovini, njenoj budućnosti kao i budućnosti regiona ali i o dešavanjima na Wall Street-u te globalnim aspektima spoljnje politike SAD.





Ekonomski fakultet u Brčkom je u utorak, 22.11.2011. godine u sklopu video/audio vježbi iz engleskog jezika organizovao prikazivanje filma The Rundown reditelja Petera Berga u kome glavne uloge tumače Dwayne Johnson, Seann William Scott and Christopher Walken. Pored studenata, veliki amfiteatar Ekonomskog fakulteta bio je ispunjen i učenicima Ekonomske škole kao i predstavnicima i članovima Američkog kutka sa kojima fakultet ostvaruje veoma uspješnu saradnju. Film je prikazivan sa titlom na engleskom jeziku.